



谷音名目

王澹

音

程自修

音

冉琇

音

元吉

音

孟鯁

音

安如山

音

王翥

音

師嚴

音

張琰

音

汪涯

音

詹本

音

皇甫明子

音

丁開

音

鮑輓

音

崔璆

音

魚潛

音

柯芝

音

柯茂謙

音



邵定

二首

熊與龢

二首

晏乂

二首

孫璉

二首

楊應登

二首

楊雯

五首

曾童子澈

一首

番陽布衣

一首

瀟湘漁父

一首

古碑文

一首

閩清野人

一首

羅浮狂客

一首

谷音名目終

谷音上

遼東王澹玄佐



澹博學醇行博州刺史迎為師教

授弟子百餘貞祐中就拜宣撫遼

東宰相累書請澹之鎮澹不應浮

海遯去

河之坊

河之坊矣截截其平豈曰不力言持其盈

國既覆矣視爾曹曹云胡昊天不終惠我

生云胡昊天疾威堂堂輾轉翫日四國卒

荒偃仰在位不知匪滅不顧其行有粟有
粟亦集于缶則不敢饘抑餽余口諍曰哲
矣孰秉其咎知我慢慢不知我疾陟彼南
山石其扁矣戒爾勿傷足其趺矣啗啗昏
昏顏之覲矣猗余何言涕之泣矣民之種
種具曰贅疣弗於爾躬曷云能瘳勗哉夫
子保爾有位慎爾為猶

感遇

迂景走北陸高木交相風衆情悅茲治豈
云惠其終萬事無不有流轉大化中古來
論成敗吐吐魚為龍牛車竄下國勢異情
則同蒲姚本狙擊桓桓湯武功彼美二三
子一笑清酤空

兩虎鬪中野利乃歸衡虞血肉相蹂躪鼓
吹行通衢獨倚剛膂力箕踞傾百壺未必
非禍福凡百持爾軀吾聞虎畏羆吹竹不
枝梧

光風蕩繁囿丹綠綴柔柯游子去萬里空
閨斂翠蛾行雲落江水酒盡不成歌鷄飛
與狗走妾命獨奈何

槁梧蒙紱冕崢嶸化侯王餐餌先百牢
蘭煙浮玉房兒女何所見拜跪色甚莊
四海正聳瞽威靈爾翕張哀哉杞梓材
棄捐官道傍

贈段十
相識風塵下斯文伯仲間騎驢逢聖日
捫螭對秋山忠信偏成拙支離最得閑
秦川貴公子早計適荆蠻

洛陽程自修忘吾七首

自修性孝友讀書城東門翰林元

祐之上其言行除禮部郎中自修

聞之棄家南去

歸龍門

來往空書札行藏但布衣直為知己用可
惜轉頭非歲月百憂集江山一笑歸禰生
狂到死君子要知機

出城

束帶供人事扶藜強病身誅求非上意盜
賊本良民濕翠山藏雨輕黃柳帶春小兒
隨白首行坐各霑巾

獨坐

終南在吾目秋色遠接應誰招天外翠來
作態中靚娟娟初畫眉盈盈獨臨鏡雲去
物象空月出心源印我欲往從之有客誇
捷徑洗耳復洗耳松風入清聽

昔韓愈非痛哭

日射石虬鱗甲開草色又換青春回精靈
聚散豈拘束山鬼叫呼松柏哀當時沸天
簫鼓動今日悲風陵上來匆匆今古成傳
舍人生有情淚如把乾坤誤落腐儒手但
遣空言當汗馬西晉風流絕可愁悵望千
秋共瀟灑

歲云莫矣

歲云莫矣百工休獨持千古供索遊丈夫
礪落如天日促促胡為升斗謀望塵下拜
乃東市山中茹芝可白頭嗚呼此道棄如
土眼中歷歷聖賢蠹鄉里小兒紇那歌前
輩先生八風舞欲挽東流無萬牛抱膝長
吟聽更雨

送元吉歸河東

獨憐風格困塵埃敢料天涯共酒盃花鳥
偏於前輩好江山更有後人哀顏回盜跖
終歸命諸葛曹丕豈論才正自別離愁未
透更教柳色帶青來

王猛墓

男兒有才須有識死葬蠻夷真可惜君不
見渴虎不飲盜泉水始吾虞君今已矣

瑯琊冉琇温季

六首

琇好縱橫談業漁獵世為李氏客
難且作琇累書止之不聽乃南走

渡江聞瓊滅東鄉三哭伏劍

蓬萊閣

倚闌吟不就看劍老相催鳥逐孤雲沒帆
從別國回魯連惟有死王粲不勝哀為問
依依柳秋聲何處來

遡臺

游目遡臺上煙色秋暖暎當時駐文輿君
臣良宴會歌鐘正喧喧華纓接飛蓋行樂
遽未央已見顏色改爽鳩焉可知齊景尚
何在世運如日月朝夕還相代

海州

波濤起天末舟楫滿城隅管晏非王佐田
韓有霸圖何門堪跂履吾道欲乘桴倚杖
春風近含愁向綠蕪

宿京口

推篷在京口山色對秋眠搔首半帆落懷
人孤月懸形骸成獨往風物共流年隨處
逃名姓烏啼又發船

秦吉了

有鳥秦吉了鳴聲一何悲自言承主恩十

載供提攜雕籠閑羽翼繫之雙華絲一朝
不終惠零落投荒夷自傷去漢土豈不懷
南枝誠堪利主家生死不敢辭努力萬里
風寄此長相思

獨立

獨立春將晚周游道正窮江山千古後形
影百年中士論元無的人生各有終臨危
負知己淚落海雲東

河東元吉文中

五首

吉太原大俠人也報仇市上吏來

捕更殺吏走太行谷中會以赦歸
乃絕嘗與游者三年通左氏史記
家益貧至元甲子從戍開平道卒
怒山出老拳寒色頑巖巖城根挿沙水斗
絕虎相視憶昔宣武兵最彊合圍步驟如
搯吭卵知一叱立破散進通亞子口尚黃
嗚呼皇天肯悔禍豈有盜賊稱天王要留
千古論曲直故壘依稀榆葉赤

自葫蘆河至居庸關

男兒不成名命也負羈縲投袂出門去浩
蕩破邊色飛沙白盪胸落葉黃沒膝微陽
割層暝山骨緊格格抉眼已崢嶸置身何
突兀健鷗勢欲落老馬智亦屈氣岸勇枝
梧脈絡大包括物候秋冬交土風夷夏隔
懷歸畏簡書欲往投鬼域無言答酸楚有
血灑寥聞古來喪亂中天地坐跼蹐形骸
盡則已烈士裹馬革

更谷平襄陪翟三游平州東城

老境逢春色平州聚德星不堪歌敕勒并

欲案丁零雪泥殘年白山呈太古青殊方
更分手暮角若爲聽

早發博州

落落空城在蕭蕭獨客歸古今殊未了心
迹每相違魏國山河美唐家節度非偷生
慚宿鳥霜月上征衣

夜坐

森森夜氣落寒欄閑把離騷酒正酣忽憶
梅花不成語夢中風雪在江南

曲阜孟鯁介甫四首

鯁沈毅雄畧中統癸亥山東兵欲
起劫鯁計事甲者三至鯁不肯遂

被害

徐州

徐州壓城霜木赭可能回首風塵下當年
縞素從西來仰天伏地聲嗚啞君臣大義
日月白牧野鳴條此其亞帝王氣象佳葱
蔥舉止却類田舍翁美人瓊玉是糞土四
海正在水火中如龍如虎尚蹉跎况乃豎
子貪天功

千古天口南京

惜惜坊陌傍深春活活河流雨過渾花鳥
幾時克貢賦牛羊今日上邱原猶傳柳七
工詞翰不見朱三有子孫我亦前生梁楚
士獨持心事過夷門

猛虎

猛虎被束縛皮肉不相保人生到錯逆天
地亦草草古來割據何代無可憐百萬殉
匹夫漁陽突騎如風火青州城門鐵作樞
丈夫好在識時務座上赤龍公莫舞沙海

荒荒魂不歸莫說青州淚如雨

折花怨

匆匆杯酒又天涯晴日牆東叫賣花可惜
全生不全死却隨春色去誰家

如其廣漢安如山汝止

童氣如山善擊劍左右射讀經史百氏

之書端平甲午安撫曹友聞辟掌

書記不起友聞戰死三泉如山往

收其骨藏諸其先之側乃東下老

于會稽

曹將軍

將軍精悍姿齒齒碎鐵石在昔童稚中但
聞飽經術縱橫騁柔翰丹艧間金碧有司
塞明詔敝邑屈詞伯芹香春水生冠玉侍
童席脫畧章句陋搜抉窮理窟未及文化
成其如王土窄丈夫報主願豈必蒙清秩
蒼然請去位滿面秋粟烈糾合熊虎羣旌
旆揚廣陌正當摩厲間一鼓拔勅敵屯兵
汚水源千里斧截截浩蕩排煙旻西極安
嶮岫柰何國無人腐儒秉旄鉞賞予入私
門金湯授盜賊公時奮臂爭反遭獻玉剛
三軍視馬首慟哭下天壁功成坐齟齬憤
怒鬚揷戟中霄拔劍起肅肅整勁翮吐氣
風雲生塞旗陷堅列貫穿死生地喋血天地
黑勢雖衆寡懸形未雌雄決路窮斷首尾
衆盡仍手格豈知龍虎逝黯淡山川色百
萬尚震驚嗚呼死諸葛長城但自壞千古
痛稠結肉食無遠謀野史有直筆酒酣歌
節士晶晶霜月白

去去如奔馬來來無盡船人心似江水日夜向吳天

蘇軾成都王翥一飛

五首

翥篤學尚氣吳曦謀反來請翥翥

陽風病瘖潛往安丙謀誅曦事定

匿巴中爲農終身

送張判官歸巴州

回首三巴曲平生萬里橋衣冠無賴客花

月可憐宵

灌口秋漲

所向愁無地窮源欲上天蛟龍胡爾怒鷗

鷺更誰憐萬里朝宗意羣兇跋扈年生涯

秋色裡獨立問漁船

吳宣撫故宅

社稷疲奔命乾坤服至誠扶持三蜀在出

入兩朝榮豚犬有遺恨麒麟空復情家聲

隕已盡國法用猶輕成季翻無後花卿浪

得名門庭黃鳥語几杖綠苔生威福何偏

重精神恐不平庶幾蒙世美凡百慎持盈

憶舍弟

藥物吾仍病花時汝未歸不眠愁月落獨
立看雲飛詩禮自持律飢寒誰解圍遙知
理舟楫西望涕霑衣

浮世

浮世惟高枕平生有弊裘敬江花中酒日巴
雨落帆秋老矣英雄事愚哉盜賊謀啼猿
長自在一笑下滄州

襄陽師嚴道立

六首

嚴讀書識大義善槊射自園中拔
身走行在所上書論事不報拂衣

去客死武陵

渡江

鹿門山人滄浪客灑淚已枯眼見骨風塵
崢嶸萬里空不知何處營三窟城中性命
湯火近路窮拔斷無消息鼠竊狗偷何足
憂都將十指謾天日大言濶步好公卿三
百年餘涵養成已聞鄭五但搔首復近龐
涓豎子名平時肉食誇果決誰信臨危跋
蹙行白頭面皺牙齒落萬事已矣秋風生

大閱

長江天設險荆州國西門幕前杖斧鉞赫
赫齊晉尊熊羆在掌握百萬不敢喧同列
厓嶠立動色虹蜺翻雖云亦是明
主恩高秋鼓角壯慘淡傷精魂山南正困
危血肉連川原由来多壘辱豈不在大藩
既同事王室於義如弟昆勗哉從簡書卹
鄰古所敦

蘭五見訪

漢陰美人青兕裘獨騎瘦馬尋荒邱花前
下馬迎一笑珠玉在側形骸羞酒酣散髮
箕踞坐錦帶爛漫懸吳鉤斷蛟刺虎好身
手碧瞳如水涵清秋惜哉科目太脫畧壯
士豈為章句囚中原格鬪困不已江波木
落寒悠悠

庚午三月五日朱尚書席上醉

歌

天風浩蕩何處來荆南府中好春酒我公
此日盛賓佐但飲毋勞問升斗座中十萬
無下筯烏帽朱衣馬牛走妙舞清歌如有
神翠爛金明各回首人生行樂須壯年小

人再拜爲主壽滿堂淚落起挽鬚臨饋三
難成鬱紆干戈未定郡國破亂臣賊子何
代無主憂臣辱坐感激忍對花鳥調歡娛
近聞士卒願一戰猛氣正倚風塵麗丈夫
行事動千古快意一飽非雄圖

武陵客居

浩蕩千年調飢寒八尺身不愁逢魍魎可
笑繫麒麟殘雪江村路空山澗水春時危
終遠去道在豈全貧

公安早發

去國秦公子窮途阮步兵別離如昨日豪
俠異平生江月爲誰好巴船何處行高秋
伴搖落早發若爲情

廣陵張琰汝玉

五首

哭汝風琰身七尺長鬣倜儻有節槩補州
鬚馬好牙兵隨制置李庭芝潰圍南赴行
水千點在所追者及之麾下鳥獸散琰獨
水庭上鬪死古恨難平必賦都成爲壯
東坡翁出塞曲爲陳參山別去暮宿
腰間插雄劍中夜龍虎吼平明登前途萬

里不回首男兒當野死豈為印如斗忠誠
表壯節燦爛千古後朝發山陽去暮宿清
水頭上馬左右射捷下如獼猴先發服勇
決手提血髑髏兵家互勝負凡百慎前籌
驅馬飲淮水千里黃草平種穀却流血痛
哭秋風生寡妻出租稅孤兒荷戈行武威
既不足願見和親成軍中日奏凱鼓行遼
海東當宁怡玉色千金勞成功焉知昨日
地組甲去如空邊人不敢語將軍益褒崇

官柳

不見橋東黃布帘樹猶如此我何堪裊裊
亭亭忒無賴又將春色誤江南

漢陽汪涯萬頃

四首

涯家貧事母孝宣撫賈似道請為
客當作露布獻捷捷涯瞋目曰嗚
人以利而退其師又兒弄主上似
道大怒搃殺之其母曰汝以直死
我則不辱可以下報先君矣亦自

沈

江帆

江帆去去可腸斷千古萬古越王臺掃空
黃葉晚風定飛盡碧天晴鳥回半生無成
坐筆硯萬事不理問樽壘年年看梅今白
首已矣英雄留七哀

采石獨酌

欲落不落月在手百年幾何持釣綸不知
春色萬象表綠煙漠漠入江蒼天翻地覆
有今夕酒熟詩溫無可人向來談笑成黃
土墮淚未了雞司晨

江行

江陵白魚如斫玉挂蓆獨去風日寒封題
兩甕寄白髮卜涯不是作魚官
秋光蕩漾滿行色鄰舟吹笛不堪聞洞庭
濯足一樽酒夫君不來空白雲

谷音下

建安詹本道生

三首

錫生

本温言正行丞相江萬里薦為郎
先致書本本方坐門前石上釣使
者至問本居本曰前即持竿渡溪
去不知所終

春日攜客游武夷

山脚健枝梧百里挿蒼峭粼粼石可把曙
色坐遠釣風水真笙竽歷落太古調衣冠
帶莽蒼山鬼驚二妙雲月正忘年花鳥更

索笑迴船翠凌亂吾道付長嘯

閑中

萬事問不知山中一樽酒掃石坐松風綠
陰滿中袖

宿天台

風泉隔西屋獨夜寒自生開窓失山色白
雲壓前楹累盡得瀟灑去住俱不驚鼻息
叅僧鐘霜露入殘更

四明皇甫明子東生

三首

明子性豪宕乘小舟挂布帆載琴

尊書籍釣具往來江湖至元丙子
發狂痛哭蹈海

水國

水國淒涼住秋宵爛漫眠歸雲猶帶雨墮
月忽明船社稷資長筭髭鬚近暮年亂離
栖不定百口託浮田

海口

窮島迷孤青颶風盪頑寒不知是海口萬
里空波瀾蛟龍恃幽沉怒氣雄屈蟠崢嶸
挾秋陰挂蓆潮如山熒惑表南紀天去何

時還雲旗光慘澹腰下青琅玕誰能居角
東一死諒非難嗚呼朝宗意會見桑土乾

京口行

京口兵可用酒可飲一語參差族成血忠
賊相持各凜凜豈知好醜隔形骸父為孔
鸞子為鳩人衆天定理則那遺臭流芳且

高枕

長沙丁開復見 四首

開負氣敢言安撫向士壁被問開
獨詣闕上疏具陳士壁功大軍府

小費不宜推究書奏羈管揚州歲
餘卒

可惜

日者今何及天乎有不平功高人共嫉事
定我當烹父老俱嗚咽天王本聖明不愁
惟黨禍攜淚向孤城

漂泊岳陽遇張中行因汎舟洞

庭晚宿君山聯句

元氣無根株開地脈有斷絕中行日月互吞

吐開雲霧自生滅中行楚妃結幽想開巴客

萬國春回日層城晚眺餘江聲隔吳楚原
色到邳徐大閱軍容壯狂歌客禮踈百年
寒荻裡風雨憶吾廬

括蒼鮑輓以行

輓嗜酒授簡萬言教授得錢悉送
酒家遇客盡飲乃去晚益傲誕衲
衣髻結游青城不返

襄陽行

今日何日春氣柔東城騎馬花綢繆為君
停馬一呼酒花前倒披紫綺裘玉脂汎濫
魚鳥飫歌舞倦矣蛾眉愁千金萬壽好賓
主今我不樂歲如流豈比世上狂馳子一
語不合行掉頭嗚呼天倫古所定非有大
故寧相尤

天馬

天馬抱奇相緊骨瞳方明出入百萬中有
如一鳥輕宇宙莽超踏風雲慘經營獨倚
雄傑態蕭蕭隨北征朝飲南海頭夕秣乃
幽并失主坐黯淡別羣奮長鳴豈無輕俠
兒金羈懸朱纓但感束帛義不忍負死生

低頭為君老喑喑萬里情

重到錢塘

生死雙飛正可憐若為白髮上征船未應
分手江南去更有春光七十年
無賴山光疊疊清玉魚金盃早飄零冷思
禹穴真奇事千古衣冠託杳冥

萬家歌舞送浮生曾有涓埃答太平猿鶴
沙虫天始定不須辛苦怨南征
聞道深春雪打圍誰憐身上藕絲衣莫憂
白壁成塵土解逐南風萬里歸

惟有寒潮不世情朝朝暮暮過空城百年
車馬閭門外獨獨春風草又生

京口崔瑗子玉

三首

瑗美風儀善談論晚病狂攜大瓢
貯酒行市拍掌歌笑未死十日自
表石題曰醉鄉伯崔瑗之墓

攜錢汎江

酒星落京口化為崔子玉孤舟載壺觴水
花紅映肉小兒唱銅斗大兒倒醺醪一笑
不知年浩蕩天地屋慎勿臨竇呼人生隨

轉燭嗣宗禮法仇鍾會被殺戮

吐吐復吐吐小兒成老翁么微各形色追
琢元化工不知春風去又見千綠叢主人
美客懷載酒行溪東一步一回首十步樽
已空靈均與太白醒醉同所終願見化蠛
蠓生死託壺中

今日一何好

今日一何好花下醉狼藉醉中有奇事夢
見生八翼浩蕩排虛空靈君好顏色朱衣

持大篆授我醉鄉伯頓首玉墀下臣璆才
蟻蟲封此抑何功請陳愚頑臆臣家京口
東門前大江碧臣願駕長風吹作酒萬石
萬象各千鍾拍拍大庭國推枕在山中紙
衾霜曉月

姑熟魚潛德昭

五首

潛敦重和易推分澹泊不忤於物
所居環堵掃地焚香彈琴讀書養
鵞鴨百頭以給食終八十餘

楊白花

楊白花誰教度簾幙搖蕩春風能幾何不
比無情自漂泊人生祇合作支離長秋鷓
啼江水落

古意

青青陵上柏落落勁不摧人生百年內朝
夕變所懷斗酒命同好萬里不顧回聞有
昌國君談笑黃金臺柔言更長跪信是富
貴媒但恐氣習移古今不同才寄言去國
者歲晚有餘哀
權衡豈公平天駟但伏櫪東井不抹渴倉
庫何時實元工肯假借名器甚可惜如何
萬萬古不行督責術

送鄭秘書南歸

垂老乃如此憑高俱惘然空能正幾字好
去作千年童子歌鷓鴣幽人拜杜鵑江花
獨爛漫春去得誰憐

聞歌

流雲行水出名姝酒盡花前雙玉壺此曲
江南都忘却春風轉調小單于

瑞陽柯芝先 三首

芝早通五經善詞賦又詣行在所
見章秘書求讀書省中益通諸家
教授生徒著書百餘卷子茂謙

餘髮

餘髮蕭蕭白垂領十年一拙門庭冷來頻
沙鳥頗相識起晚憐鷄已三請形骸拄樹
豈復好心緒如蓬不能整平生幾緬空馭
駮老去一盃先醕酌俗言祇虞方鑿迂人
事但愜幽居屏聖賢未必盡翳狗天地何
堪共鼃黽若為直履曾足芥幸不柳衫真

欲癭一聲樵響何處來獨立看雲發深省

耳耳

耳耳非佳語陸陸難爲顏我生胡不淑多
戚長鮮歡搖落復已綠春風滿江干最靈
起予興欲言骨肉酸園桑推為薪桃李亦
半殘翹堯企晴燠九室十更寒飛錢如美
色乃入貴者闌邱問有穀賣窮櫬朝無餽
不售信蹙隱徒手良抱歎宛轉悵餘息溝
壑分寸間吾輩正不免遑暇卹彼瘵

橫江

橫江一片碧
攜鶴上漁船
收綸不成下
却抱釣竿眠

不書言茂謙退子二首

色以八貴江行早發

陶鑪煮孤影
寒燈沸青花
冰開數江樹
月落失人家

魯港

十年回首付
霑襟斷甲沉
沙齒齒深可
惜使船如使
馬不聞聲鼓
但聲金人歌
鬼哭都堪嘆
木落江空正
獨吟遺老蕭
條漸無

語酒旗颭颭
出蘆林

廬陵邵定中立 二首

定温粹博雅
通周易春秋
宅邊植梅竹
蘭桂蓮菊各
十餘本深衣
大帶婆娑其
間自稱六薌
老人

山中

白日看雲坐
清秋對雨眠
眉頭無一事
筆下有千年

漁家

漁家臨水住
春盡無花開
年年謝流水
流

得好花來

豫章熊與龢天樂 二首

與龢性介澹無妻不食肉通經史
百氏之書布衣草屨遨遊諸名山
尤嗜彈琴草書

唐玄宗鐵像

魏冠攢疊碧雲花坐閱山中幾歲華莫把
金丹輕點化正愁生死困安家

木平飼龍亭次韻方巨山

耳見何如得眼聞山根磅礴極初分浮漚
起滅自潭影大地晴陰空嶺雲何處老人
來聽講他年少府有移文由來清調須吾
輩幸不山王愧五君

宜春晏又明粲 二首

又明風度秀整主趙崇雍後雍逮
繫又明自請詣獄俱以疾終

訪吳

平生一語不肯吐浩然披髮行西林美人
十日跨驢出黃葉堆門雲雪深

夢中

春樹年年少寒雲浦浦連
片帆高浪起斗酒夕陽偏
沙市懷司馬州城哭老邊
太平冠蓋盡爾敢望諸賢

大庾孫璉器之二首

璉家貧益嗜書不應選舉躬耕織
屨以食終百歲

述懷

少也不諧俗老去益美閒
百草生已綠春雨滿南山
朝朝荷鋤去既夕驅牛還
生長茆簷下貧賤甚獨安
但願桑麻長優游足

歲年

坐倦秋樹根攝衣步前邱
橫河澹如練破月西南流
獨持一樽酒悠然發清謳
俯仰無不足吾生焉所求

臨江楊應發幼平二首

應發寬厚長者有德行
言辭七試國子不第退就耕
牧老于南塘孫

雯

水宿

水宿逢今雨春歸及故園
聖朝臣已老往

事客何言乞米分隣里看書到子孫蒼茫
不可會一笑了清樽

寄趙梅州

江城鴈叫天如水寒色蒼蒼草木死哀歌
未斷月東出有才無命可流涕今我不樂
思梅州束帶深衣百僚底天下規矩見卓
絕龍章麟角諸公子白頭持節得蠻府歸
來閉門呼不起惆悵平生狗馬病風后力
牧長已矣為公問酒日日酤熏天富貴憂
患始

震天章 五首

迢迢空同山

迢迢空同山乃在西極巔玉泉蔭靈芝上
有千歲仙安得凌風翼相從白雲間神仙
本冥漠天運仍推遷不如酌我酒或得成
自然田父要我語飲者亦非賢願君長獨
醒加餐足高年

宋武帝廟

溪聲答松風巨石出老拳古樹不知名岌
岌蛟龍纏夕陰互出沒秋華帶芳鮮葱蔥

帝王氣棟宇垂千年虎賁秉霜戟慘澹生
雲煙宮人翠龍駕手持玉連蜷昌明坐恍
惚精神雷在天大呼司雍間旬月無秦燕
昔為萬夫特今受衆目憐石馬亦埋沒歲
時草芊芊小臣異代士見之淚迸泉齊人
思爽鳩蜀人哀杜鵑江東舊正朔禮奉敢
不虔但願君王心不忘載荻船下山又再
拜白日當空懸

宿峽市

人煙正搖落樓笛頗清圓老樹依山驛東
風上峽船江湖萬里外燈火十年前世路
能令老吾生且醉眠

北客

北客相催發一日舉千帆遙憐庾開府歲
晚望江南

早春

不知何處碧雲鄉冉冉平生可斷腸怪底
乾坤惟理在老來歲月更心長城頭急鼓
千家夢江上殘梅一水香自作醉侯開醉
國笑人奔走為誰狂

鮑軫過盱江曾童子澈一首

鮑軫過盱江遇一童子眉目踈朗
語必援古今驚問逆旅主人子也
不味何明年載訪之死矣得其詩一首于

其同舍生

九齡行

我生九齡氣食牛喑鳴頓挫無匹儔白雲
無根起天末一身萬事同悠悠低頭拱手
事先覺談笑未了成仇讎一譽不足勝百
毀言語起滅如浮漚聖賢可與知者道麟

鳳豈在山中遊遽然夢覺大槐國江花昨
夜生涼秋

無名氏

番陽布衣

古有書中山驛云回首萬里歲晚何
言云云

番陽布衣題

回頭四十五年非無賴秋光滿客衣可惜
吳中蓴菜好陸機張翰不同歸

瀟湘漁父一首

崔瑒晚泊湘江淡烟微月有客歌
而過之追問居與名置其釣竿長
嘯而去非無餘味

高枕形骸外空江何限情落葉不成調半
夜起秋聲

古碑文一首

揭大中云或漁于潭得片石字十
數行率磨沒僅識得二十八字意
幽人憤士之作不合于時故沉之
以俟知者

乾淳老人氣岳岳破冠穿履行帶索撐腸
拄肚書萬卷臨風欲言牙齒落

閩清野人一首

僧惠了行閩清谷中三日到一空
舍稍憇有一人荷鋤來便向壁熟
睡僧既尋路還他日再往已焚其
舍惟斫樹白而書云

偶與雲水會不與雲水同雲散水流去杳
然天地空

羅浮狂客

趙孟柔云柔錄事惠州聞羅浮道
士言咸淳中客有戴烏帽著靴往
來山中見人輒大笑反走三年不
言姓名他日醉歸忽取煤書壁上
云云長揖度海去
雲意不知滄海春光欲上翠微人間一墮
千劫猶愛梅花未歸

谷音下

右詩一卷凡二十三人無名者四人共一
百首乃宋亡元初節士悲憤幽人清詠之
辭

京兆先生早游江湖得於見聞悉能成誦
因錄為一編題曰谷音若山谷之音如野
史之類也刊於平川懷友軒以傳於世今
歷兵燹板已不存予幸藏此本風晨月夕
寂寥之中每一歌之則想像其人愧不能
彷彿其萬一也未嘗不慨然久之今年先
生之孫德基來從子暇時輒出此編俾錄

而歸之曰是爾祖手訂之文且諸人小錄
皆其自述言簡而備是亦家傳舊業子能誦
而思之亦繼紹之一端未可以為小書而
忽之也因嘗論之時危世變臨難不避與
夫長往自潔者不為不少惜不盡傳於世
也如是編數人苟非先生記其詩而傳之
則泯沒無聞矣然則誦其詩者非獨取其
雄渾冲澹而其心術之正出處之大可緊
見矣德基其廣傳之毋為篋笥故紙云戊
午重九日蜀郡張槩書

此詩予得之建安楊中舍仕做觀張槩跋
謂京地先生編京兆先生者杜徵君本
字伯原其行具見元史隱逸傳中

程